



Boiohemia si interpreteris Boiorum patriam seu domicilium significat (der Boerheim) nunc corruptius Bohemia: Boij autem Galliaë populi fuere, haud procul ab Insubribus dissi iij à Cæsare victi Gallia, excedentes, Italiam transcenderunt, quos Romani finibus eiecerunt. Inde trans Rhenum in Germaniam profecti, Herciniaë Syluaë incinctos incoluerunt campos. Hos Boios è Boiohemo potentissimus Sueuorum populus Marcomanni depulere. Eiectis tandem è Boiohemo etiam Marcomannis, Quadisq; , Sclauini Scythica & Barbara gens intrauerunt. Hodierni igitur Bohemiaë incolæ Sclaui sunt, quorum etiam idiomate vtuntur. Habet hoc Regnum vltra triginta vrbes immediatè Regno subiectas: reliquas autem Principes Regni, Primates, Barones, Comites atque Nobiles sibi vendicant. Praga, Casurgis Ptolomæo, Regni caput est ad Muldauiam amnem sita, hic regia aula, & Archiepiscopatus est, vniuersali olim studio floruit, id hodie Lipsia Misniaë ciuitas obtinet. Ergò vrbs à fluuio præterlabente sic cognominata, in veterum Nariscorum sedibus, loco, arte, ac natura munitissimo sita, vt pote quæ maxima sui parte natiuæ rupi superstructa sit: intra mœnia ambitum continet duorum milliariorum, extra autem mœnia trium, nec procul ab vrbe fons est aquæ acidæ, saluberrimæ, quàm eius incolæ bibunt auidissimè: præter hunc autem potum & cereuisiam. Medo autem, qui nusquam lautior, meliorque conficitur, affatim exhauritur. Litomeritium vineta habet. Kuttenbergium argenti fodinis diues est. Launum frumenti fructuumque reliquorum prouentu felix est, Glatavvensum casei, Rakonicensium verò cereuisia commendatur. Bernum autem ferrifodinis ac scloperis nobile est. Landshutensium ager gemmifodinis celebratur. Gilouuium insuper auri, Rummau vargenti, Granpenum stanni, Schonbachium argenti viui, Linstadium plumbi, minæris fecundæ sunt. Pardubirzenses autem gladij & enses magno vbique pretio sunt. Aere, quòd perpetuis Aquilonis flatibus exposita sit regio, fruuntur duriore ac frigidiore, nec tamen insalubri. Regio Hercinia sylua vndique cingitur, Albi ac Muldauia irrigatur. Ager ipse hordei ac tritici ferax, populo, pecore, ac piscibus abundat. Ferarum etiam ingentem habet copiam ob syluarum frequentiam, quæ vulpium, vrsorum, ceruorum, vrorumque leu bubalorum, quos lomi ipsi sua lingua vocitant, assiduam venationem præbent. De hac autem fera quam lomi ipsi vocât, perhibent, quòd venata vesicam (quam largam infra mandibulam in collo pensilem habet) aqua calidissima, dum canes insequentes fugit, impleat, eosque hac cum potestas datur, inspergat, qua quicquid tractum fuerit, aduritur, non secus ac si feruenti aquæ fuisset immersum, vt & pilos, & cutem absumat. Metallicarum ac mineralium, item aromaticarum rerum pharmaceuticæ inferuentium, ditissima regio est, olei tamen, quem admodum & reliqua Germania, sterilis est. Vino non caret omnino, austerum tamen & paulò acidius gignit. Ditiore autem nobiliori ac delicatiori vtitur, ex Austria & Hungaria importato. Vicissim ipsi cereuisiam quam coquunt præstantissimam in easdem regiones exportant. Thermis quoque calidis & salubribus non destituitur hoc regnum. Mons Pinifer in eo, à pinuum, quos profert, abundantia, sic dictus, & in Nariscorum oras situs, intra spaciū duum fermè millium passuum quatuor inclytos amnes non sine admiratione & naturæ maiestate effundit in quatuor Orbis cardines: idemque mons auri argenti, argenti viui, ferri, Sulphurisque minæris foetus, gemmarum etiam fodinas exhibet. inde dici solet, sæpenuero in monte Pinifero vaccam lapide peti, qui vacca sit pretiosior. Syluis regio hæc tanquam natiuo muro, circumdatur: cuius pars ea quæ inter Occidentem & Septentrionem porrigitur Gabreta sylua Strabonè dicitur; portio verò



BOHEMIA  
 Bohemae linguae latineque res per non latet  
 facti et circumstantibus notis in quibus, uti dicitur  
 in hunc usque populum obtulit spem manentem  
 ut ad Septentrionem plaga regnat Suda oppid'  
 lator, ardui fore et principis, uti quibus flos et  
 gressu paratior que natus cum alio Dardis popu'

qua à Meridie ad Danubium vsque pertingit, Luna fylua Ptolomæo vocatur hodie Passauica fylua, der Passauer wald; versus Occidentē qua Morauia contigua est. der Schieb vocatur. Vndique hæc Regio Germanis populis septa est. Terminatur enim ad Septentrionem Silesijs ac Misnenibus, ad Occasum Voitlandia. Norico agro ac Palatinatu superiori, ad Meridiem Austria seu Pannonia superiori, ad Ortum Morauis ac Silesitarum parte, qui omnes Germani sunt, quamuis ipsa regio non Germanica, sed propria sibi loquatur lingua, hoc tamen cum Germani & præcipuè cum Saxonibus incolis terræ commune est, quod non magni, sed ingentes sint potatores, utpote qui; vbi potum è recentidolio promptum gustare inceperint; non desistunt, neque diuerforium egrediantur, donec penitus sit euacuatum. Alias magnanimi multum sunt, & per omnia ferè leonibus comparandi, sub cuius etiam fide enascuntur. præterea & Electoratus dignitate Regnū hoc decoratum est, idque non sine graui, ut creditur, causa: locus enim & natura munitissimus est, communisque Germaniæ libertati quasi innato studio semper addictus. Colligitur autem regio hæc ab Occasu in Ortum, hoc est, in longum habere milliaria Germanica vnum & quadraginta, aut Italica centum sexaginta quatuor; ab Austro autem in Boream milliaria Germanica sex & viginti, aut Italica centum & quatuor.

